

金石萃編

金石萃編卷一百四十二

賜進士出身 誥授光祿大夫刑部右侍郎加七級王祖謨

宋二十

邵陽縣戒香寺碑

碑連額高五尺二寸五分廣二尺七寸
四分二十行行三十字連額並正書

邵陽縣重興戒香寺碑

近據臨洽鄉百里社僧文才陳狀元係河中府榮河縣
開元寺十王院授業於紹聖貳年拾壹月中巡禮到同
州邵陽縣臨洽鄉百里社本邨全社人張志用等請文
才住持本社古蹟有額

戒香寺壹所初見本寺名額年歲深遠累經霖雨損壞
了碑額欲乞移牒本州造帳司勘會本寺從初係省帳
并

勅賜名額照憑出給收執所貴久遠住持伏乞指揮尋
行勘會得僧文才住持戒香寺別無違礙及打錄到本
寺舊來開元拾貳年 戒香寺碑文尋牒造帳司照會
去後卻准本司牒稱尋將累年申 省僧道等文帳照
會得上件

戒香寺係古蹟常住地土房舍

勅額存畱 檢准天禧貳年四月貳拾柒日

赦勅節文係帳拘管請將前件置碑 及重興

勅賜年月日照會仍請指揮前件僧文才等常切看管
住持及自今後依例供申僧行文帳施行

右給重興公據付臨洽鄉百里社張志用并僧文才
等同共住持上件

戒香寺每年供申僧行文帳施行

紹聖四年拾月拾六日住持戒香寺主僧文才并書

縣尉武 右班殿直監酒稅權主簿陳 宣義郎知縣

事口 朝散郎通判知軍州事鄭 本寺地一頃下院

豆莊興善寺地四頃余

朝散大夫充寶文閣待制知軍州事呂

紹聖五年四月初八日立石記

刻字薛隱

韓宗厚墓誌

石高廣俱三尺九寸三十七
行行三十七字正書在許州

宋故承議郎充慶成軍使兼知河中府榮河縣及管內
勸農事驍騎尉賜緋魚袋韓府君墓誌銘

朝散郎前通判永興軍府兼管內勸農事兼陝西制
置解鹽司句當公事上輕車都尉賜緋魚袋朱光裔
墓

朝請郎充集賢殿修撰知鄧州軍州兼管內勸農事

兼京西南路安撫司公事上柱國賜紫金魚袋杜紘
書

朝請大夫管句西京嵩山崇福宮上柱國賜紫金魚
袋吳安常篆蓋

紹聖元年六月廿九日承議郎慶成軍使韓君卒於官
所享年五十三越四年九月廿二日葬於潁昌府長社
縣嘉禾鄉靈井里先塋之次嗣子狀 君世緒德美
予曰 先君之葬有日矣敢請銘尙顯揚於不朽予惟
親友之契不宜以固陋辭 君諱宗厚字敦夫潁昌府
長社人也曾祖諱保樞贈太師開府儀同三司陳國公

祖諱億皇任太子少傅致仕贈太師開府儀同三司吳國公諡忠憲考諱緯皇任尙書比部郎中知解州贈右光祿大夫曾祖妣郭氏周氏並封陳國太夫人祖妣蒲氏王氏並封吳國太夫人母仁壽縣太君李氏故太子少傅致仕諡康靖李公之女 君以康靖公蔭補太廟齋郎初任徐州沛縣主簿秩滿授江寧府上元縣主簿大興水利溉汚萊爲良田者至二千七百餘頃創爲堰閘視時水旱而均節之民獲其利歌詠載涂丞相王文公爲守上其狀於 朝以勞應格特轉光祿寺丞文公知其才事多委於 君以辦治稱知溫州永嘉縣簽書

天平軍節度判官廳公事河決曹邨口水暴至城下危
在漏刻 君建議浚古黃河故道以殺其勢太守而下
畏避不決 君請獨任其事水一夕而涸郡民樂在父
爲人毆傷在往報之更廿五日而卒獄具當抵死 君
曰父被困辱而爲此情有可矜太守嘉其議爲讞於
朝得減死論孫宗者以忿殺人吏鬪其獄罪止於杖
君摘發姦狀卒致於法歲饑詔貸常平種錢有司并給
仕宦之家 君以爲非 朝廷惠養困窮之意不當濫
及遂止簽書鎮安軍節度判官廳公事時有劇賊未獲
捕者利重賞執小盜以告因交通獄吏鍛鍊成罪 君

臨訊立辨其誣爲正其獄後竟獲真盜一郡稱爲神明
京畿積水爲害議者欲隨勢疏決自陳達於蔡河君
曰陳地卑下歲苦流潦今又并受衆水是使鄰境爲壑
民必受弊事亦不行君自光祿寺丞四遷至承議郎
賜六品服娶張氏封仙源縣君再娶朱氏封長壽縣君
男八人理太廟齋郎卒琉郊社齋郎瑛瑛未仕餘皆早
亡女四人長適前登州防禦判官劉復次未嫁而卒二
在室孫二人君天性樂易通敏篤好學問屬文口述
而壯麗可喜有文集百卷藏於家光祿公口誦養母夫
人左右順適得其歡欣歲時甘珍之奉雖遠心致君

之亡也母夫人悲思曰天奪我孝子矣韓氏大家 君
處尊口間曲盡敬愛遇人推誠相與久而益親長於吏
治雖案牘叢委一視察其隱伏吏人畏惕不敢欺屢佐
顯人事有不可者守正不移雖在卑宦以氣節自任練
達當世之務嘗上書言元祐間更按問法天下斷獄死
者滋衆請復舊條乞比較州縣獄死之囚數多者行罰
皆根於仁厚之意王文公爲世儒宗樂教育後進 君
嘗執經請益得其精微之旨旣輔政同時預丈席者多
被薦擢屢欲用 君而輒齟齬不諧通塞之分豈人力
也哉銘曰

夙稟軼才 自負奇志 諷經儒宗 究極精義 寫
於內行 竭孝奉親 恩均宗黨 愛譽欣欣 當官
而行 弗倚弗比 平反庶獄 建設長利 竝游之
俊 方駕騰驤 君口不偶 命也何傷 屈於遠用
尙有修名 刻石垂休 後裔其承

潁川古翔刊字

宗厚韓億之孫緯之子東都事略無緯傳故宗厚亦
不見于史按碑載宗厚歷官自光祿寺丞四遷至承
議郎賜六品服所蒞之地多能興水利斷疑獄文繁
不具載又云嘗上書言元祐間更按問法天下斷獄

死者滋衆請復舊條乞比較州縣獄死之囚數多者
行罰事皆可傳又云王文公爲世儒宗樂教育後進
君嘗執經請益旣輔政屢欲用君而齟齬不諧是宗
厚不附安石尤可嘉尙蘇軾以爲王氏之學好使人
同已化天下皆爲王氏之學一望皆黃茅白葦蓋是
時如宗厚者固少矣杜絃字亦有唐人風格碑云葬
于潁昌府長社縣嘉禾鄉靈井里先塋之次是亦附
億也今方志亦載億墓而遺宗厚墓

中州金石記

按韓宗厚爲億之孫誌云祖諱億皇任太子少傅
致仕贈太師開府儀同三司冀國公謚忠憲宋史

億傳云以太子少傅致仕卒贈太子太保謚忠獻
與誌不同東都事略亦贈太子太保而謚作忠憲
與誌同誌云潁昌府長社人億傳云其先真定靈
壽人徙開封之雍邱宋史地理志潁昌府本許州
元豐三年升府此誌刻於紹聖四年故稱潁昌府
長社縣是其所屬縣有嘉禾鄉卽韓公葬所然則
史作雍邱人者豈韓億時遷雍邱而其子若孫再
遷長社史不及書歟然何以此誌又不云自雍邱
遷也億有八子綱綜絳繹維縝緯緇宗厚爲緯之
子是億之第七子所出而位不甚顯功業又無可

述故史傳所不及誌云君以康靖公蔭補太廟齋
郎康靖李公爲宗厚之外祖蓋用外祖蔭入仕也
此誌撰者朱光裔書者杜紘篆者吳安常史惟杜
紘有傳字君章由右司郎中大理卿以直祕閣知
齊鄧二州復爲大理卿權刑部侍郎加集賢殿修
撰爲江淮發運使知鄆州此誌系銜則知鄧州時
已充集賢殿修撰傳與誌異也

真武經

石刻字處高三尺五分廣二尺作三層書
每層三十一行行各十七字正書在嵩山

元始天尊說北方真武經

文不錄

宋元符二年歲次己卯正月甲辰朔二十八日辛未
河南宋溥書并立石

武宗孟書

張士寧刊

元符二年宋溥書宋未有名而其書秀雅可觀頗似

趙文敏且嵩碑記絕無小正書錄之嵩陽石刻記

韓宗道墓誌

石高廣並四尺二寸四十分行行四十字正書在許州

宋故通議大夫充寶文閣待制上柱國南陽郡開國侯

食邑一千三百戶致仕韓公墓誌銘并序

朝奉大夫充集賢殿修撰知泰州軍州兼管內勸農

事上輕車都尉曾肇謨

朝請郎試中書舍人兼侍講上輕車都尉賜紫金

魚袋趙挺之書

左朝議大夫竇文閣待制知潁昌軍府事兼管內勸
農使京西北路安撫使柱國吳安持篆蓋

太中大夫竇文閣待制知杭州兼兩浙西路兵馬鈐轄
上柱國南陽郡開國侯食邑一千三百戶韓公諱宗道
字持正年七十有一上書謝事 優詔許之遷通

議大夫 命未至 公卒于位三子曰璩曰瓌曰瓌

河南府軍巡判官曰琪承務郎皆前死一孫曷郊社齋

郎其弟朝散郎宗直請于

朝往護

公喪旣

而枉道過予爲

公請銘予與

公同時爲郎尙

書已而偕爲從官旣故且戚銘其可辭韓氏世家常山
自 累贈太師開府儀同三司興國忠憲公諱億以
文學起家致位政府始葬其父 累贈太師開府儀

同三司陳國公諱保樞于潁昌府之長社縣遂爲潁昌
人 忠憲公八子二爲宰相一爲門下侍郎一知制

誥

知制誥者諱綜累贈太尉

公考也世德淵

源其來有自至

公三世而盛大光顯實幾百年其

間魁壘傑出爲一時之望者相繼有人至於孝謹恂恂

行稱於家材見於事者亦多可紀

公其一也

公孝友慈祥自少無子弟之過事諸父盡子職不獨於其親然也其遇人豁然不立哇眈其爲吏廉平無私所至勤勞公家不簡細故雖貴且老未嘗怠以止也其爲近侍中立不倚不事夸奪雖有忤心者莫之忌亦莫得而侮也故在家爲賢子在官爲能吏而在

朝廷

爲良士孔子稱詩之夙夜匪懈又曰無忝爾所生以爲大夫士之孝若公可以當之矣初公以忠憲

公恩補將作監主簿三遷大理評事監潁州商稅務會汝陰闕縣令號多職田前攝事者垂得口入而州俱

公代

公辭不得則過職田期而后往代時

公年尙少衆伏其廉嘉祐四年鑠其廳中進士第知越州餘姚縣公仕穎已有能聲至是摘姦字良治行益白歷監在京皮角庫簽書彰德軍節度判官事歲饑請發官粟貸貧民民賴以濟熙寧初知巴州時

天子進用二三大臣鼎新政事

公以名家子有聞

於時近侍多薦

公宜在臺閣大臣亦雅知

公

會

公叔父康國公去相位卽擢

公成都府路

轉運判官兼管勾常平農田水利差役事講議法制必究利病因革損益視理如何不務紛更不膠舊貫繇是

一時同事者初雖異意卒皆絀已從

公服其平正

而凡有改爲蜀人不知其擾入爲開封府判官復出提點河北西路刑獄徙淮南路轉運副使兼提舉常平市易事入遷尙書工部郎中時市易法初行任事者希功旁緣漁奪公數裁之不聽則致之于理朝

廷聞之遣官行視任事者得罪去

公亦徙知廬州

蓋公當官不撓其守類如此歷知鳳翔府潞州官制行召爲尙書戶部郎中使契丹還歷太常太僕少卿尙書左司郎中太府卿元祐三年擢權戶部侍郎均節食貨號爲稱職真拜刑部侍郎未幾復爲戶部以寶文

閣待制權知開封府聽決平恕不事苛察守中循理不
苟虛譽歲餘復還戶部五遷太中大夫紹聖初除寶文
閣直學士知成都府以喪子辭求便郡迺以待制知陳
州徙青州兼京東東路安撫使又徙瀛州兼高陽開路
安撫使又徙杭州卒時紹聖四年七月甲子也元符二
年七月十四日葬長社縣嘉禾鄉耐

忠憲公兆

公在朝數言事嘗請擇守令明黜陟以嚴能不立嫁
娶喪祭之制使貧富各安其分

詔有司節浮費

興遺利量入爲出以制國用它所建白類如此有文集
二十卷藏于家

母劉氏追封韓國太夫人妻聶氏

追封許昌郡君一女適祠部員外郎朱景年孫女三人
長適西京伊陽縣主簿宋晟餘尙處銘曰

有倬韓宗 肇自龔公 子孫馮厚 益熾而崇 有
公有孤 曰仲叔季 亦有持橐 從容風議 猗與
南陽 克紹厥世 豈惟勢榮 德亦是似 崛起于
少 吟哦六經 出偕寒雋 擢第王庭 廼使四方
明國若否 廼將八州 宜民父母 地官之亞
天府之長 在人無非 在己無枉 旣果於退 亦
全其歸 命書在道 歿有光輝 潁川之郊 其原
膺膺 哿矣無怍 往從父祖

宗道韓億之孫綜之子東都事略韓綜傳云子宗道
元祐初爲戶部侍郎寶文閣待制餘無所及宋史亦
同碑述宗道在朝數言事嘗請擇守令明黜陟以覈
能不立嫁娶喪祭之制使貧富各安其分詔有司節
浮費興遺利量入爲出以制國用有文集二十卷可
補史之缺碑字亦完好今億碑在許州城東北三十
里碑云葬長社縣嘉禾鄉耐忠憲公兆是耐億葬也
方志失載宗道墓非是趙挺之宋史有傳書史會要
稱其工筆札其蹟襍見鳳墅續法帖中蓋未覩此碑

中州金石記

按韓宗道爲綜之子綜爲億之第二子宋史有傳
字仲文累遷刑部員外郎知制誥卒不言贈太尉
史之畧也傳附載宗道爲戶部侍郎寶文閣待制
据誌則除寶文閣直學士知成都府以待制知陳
州青州徙瀛州杭州卒史俱畧之此誌叙其貫則
云韓氏世家常山自億始葬其父保樞于潁昌府
之長社縣遂爲潁昌人然則遷潁昌自億始較宗
厚誌加詳而亦不言遷自雍邱誌叙三子一孫于
前而末乃及其母妻一女三孫女是又一例也誤
者曾肇書者趙挺之篆者吳安持史皆有傳肇字

子開羣弟坐罪降爲滁州稍復集賢殿修撰歷蔡
州海州挺之字正夫密州諸城人由知楚州入爲
國子司業歷太常少卿權吏部侍郎除中書舍人
給事中不言其兼侍講安持附見吳充傳充子安
詩弟官都水使者遷工部侍郎終天章閣待制此
系銜寶文閣待制知潁昌軍府史全畧之

州學二大字

石高六尺六寸廣三尺五寸五分州字方二尺三
寸學字廣二尺五寸高二尺九寸正書在東平州

翰林院承旨蔡十題

州學

元符二年中元前一日

按蔡卞爲京弟傳稱紹聖元年復爲中書舍人兼
國史修撰遷翰林學士四年拜尙書左丞而不言
其爲翰林院承旨其於鄆州亦未嘗歷官不知何
以有二大字姑存之備攷

鄆縣利師塔記

碑連額高四尺五寸廣二尺二寸五分共十八行
行三十二字額題宋故利公塔記並正書在鄆縣

宋故京地府鄆縣白雲山主利師塔記

講經律論臨壇僧道雅書并題額

夫寂滅之道寒暑無以迭遷妙極之源生死無以交謝

良由空華生乎翳目輪轉出乎妄心若匪大明難除重
闇况廼滅無所滅生無所生身存身亡誰取誰捨不以
驚懼于懷者卽白雲和尚矣師諱得利字子益姓王氏
京地府高陵人也祖父並儒門之士母性仁慈始自幼
年不爲童戲宿植善本深慕禪門誓志出家辭親棄俗
遂依鄠縣白雲山淨居禪院守鑑大師肄承佛業朝叅
夕奉未嘗懈然於天禧三年慶蒙睿澤削髮受具着如
來衣脫三界之塵累履一真之正路宏道爲美積德爲
欣乃南訪禪宗研味經律定根益固慧目增明旣還白
雲住持淨剎締構華宇繪飾聖容不以榮辱而見憂喜

非施則不受非時則不食焚誦無綴孜孜是務持法華
金剛上生三經計十大藏由是心地無塵慈雲有潤德
風遠振高譽遐飛復詣鄉邑住毗沙隆昌寺度小師一
人法稱惠滿實慶曆三年

軋元聖節試中經業抑

亦性閑了義續慧焰以長暉拔濟含靈俾正法而悠久
自非師資敦遇宿契宏因者何其使然耶師以治平三
年十一月十一日託疾而化僧臘四十七俗壽七十一
門人惠滿茶毗收骨瘞于幡竿村古佛院所迄元符元
年建成窆堵每歲開闡真乘仰伸報効以其先師之道
業願得爲記余深愧無文直而書之二年己卯十月庚

子廊時趙宗輔記

元孫善明 宗緣 曾孫澄愚 澄意 澄觀 澄

照 澄譽 澄月 講金剛圓覺經僧澄靖 孫講

圓覺經僧道因

小師講經律論傳戒僧惠滿立石 安民刊

永泰陵採石記

碑連額高一丈四寸廣五尺二寸二十三行
行三十六字正書篆額在偃師縣永泰寺

大行哲宗皇帝以今年正月十二日己卯奄棄萬國

朝廷循故事遣官採石修奉 陵寢孝廣被 詔同文

思使羅允和宮苑副使帶 御器械交文炳實董其事

凡辟文武官朝請郎孫熙以次及部役等二十有六貪以二月十日丁未開山至五月十一日丁丑畢功取大小石二萬七千六百有餘視元豐八年蓋增多五千二百七十有二焉凡役兵匠九千七百四十有四取石既夥懼役兵疲困而功不時集復請募近縣夫五百俾悉挽巨石以訖其事然屬運寒氣癘自京都遠於四方人多疾疫而況大山深谷之間嵐霧蒸鬱朝暮被冒病者宜甚於是時其藥食至覆藉之具無一不備仍分處太醫各俾診治日且躬行巡視由是病者千七百餘人而不可治而死者蓋亦百釐之二逃者纔五十人耳聚者

既衆不患食不足常患水不給山之東南舊有礮子一
泉方春日用且乏乃並西於桃花谷天井泉至谷口凡
四里續大竹二百二十有四引水日二千餘缶於是水
給而無渴飲之患前此興作而死者皆閉瘞山中及功
畢往往不復完掩今廼奉制悉給錢焚收置欽具以
歸其家居山土人皆云每至久積陰晦常聞山中有若
聲役事之歌者意其不幸橫天者沉寃未得解脫逍遙
而然乎於是大集浮屠衆恭作佛事卽重五晝夜爲設
冥陽水陸金籙寶符無礙道場以薦拔其苦於其生者
既足飲食具醫藥所以撫恤之無不至於其死者又置

歛具設佛事所以度脫之無不盡此無它蓋以謂與大役舉大事使人人忘勞而赴功是亦臣子遵奉之志耳故不敢不勉云元符三年五月十二日朝奉大夫都水使者都大提舉採石曾孝廣謹記

河南府福昌縣主簿提舉採石醫藥韓思永書并篆宮苑副使帶御器械同都大提舉採石文昞立石

緱山霍希範霍亮霍奕刻

億按永泰陵哲宗墓地也于時修奉陵寢首是役者爲朝奉大夫都水使者都大提舉采石曾孝廣案孝廣字仲錫元豐末爲都水丞元祐中大臣議復河故

道召孝廣問之言不可出通判保州久之復爲都水
丞見宋史本傳今碑言都水使者卽其職也然于孝
廣都大提舉採石竟不附見史文其亦有所未及與
宋史禮志括宗崩徽宗卽位詔山陵制度並如元豐
今案碑云取大小石二萬七千六百有餘視元豐八
年蓋增多五千二百七十有二然則有司踵事奉行
益爲崇侈其靡費已至此而史因依詔文書爲並如
元豐其信然與

偃師金石錄

二陵採石記

碑連額高八尺一寸廣四尺三寸二十
行行三十二字連額並正書在偃師縣

建中靖國歲在辛巳正月乙亥

欽聖憲肅皇太

后上僊遺誥追尊

故皇太妃爲皇太后是爲欽

慈皇太后於是

山陵園陵二役並作太史請以

五月丙寅復土而採山之役自昔爲重祇奉

二

陵其用實倍事嚴期迫上下憂懼

朝廷如更用郎

官往護其役廼

詔遣尙書都官郎中曾孝序都

督之而以如京使帶

御器械麥文昞西京左藏庫副

使提點學生馬監高偉爲之副辟置其屬分督庶務二

十有九人集七路匠師與夫陪役之兵以指計者九萬

六千三百三十石之拔類者其脩至二十有二尺其廣

踰尋其以枚計者二萬七千一百有奇役實始於正月
癸未而終於三月壬午蓋六十日而奏畢若匠若兵
或死或亡纔二十有九人論者以爲敏而赴功燕及其
衆仰惟 憲肅皇太后有大功於 朝 主

上誠孝充塞天地當此之時百神莫不効職事之所以
獲濟豈小臣之力哉故例皆立碑以紀歲月僚佐有請
顧安得以獨無於是乎書建中靖國元年三月二十六
日朝散郎守尙書都官郎中都大提舉採石護軍賜緋
魚袋曾孝序謹記

前河中府河東縣尉都提舉採石所管勾文字史恂

仲題額

朝奉郎監西京偃師縣緄氏鎮管勾城內煙火事兼
稅場驍騎尉賜緋魚袋孫應書

西京左藏庫副使提點開封府界孳生馬監同都大
提舉採石高偉

如京使帶御器械句當翰林司提點萬壽觀公事
同都大提舉採石麥文昞立石 彭阜刻字

億按二陵一爲神宗欽聖憲肅向皇后一爲欽慈陳
皇后並陪塋永裕陵者也宋史徽宗紀建中靖國元
年正月甲戌皇太后崩遺詔追尊皇太妃陳氏爲皇

太后碑所記皆合然少有異者惟云正月乙亥欽聖
憲肅皇太后上僊與史較後一日碑當時所述當不
誤又攷碑之記在是年三月二十六日文內已首稱
二后謚攷之紀乃云四月甲午上大行皇太后謚乙
未上追尊皇太后謚方作記時謚號尙未定文獨豫
稱何也此必立石時追紀及此耳記出之曾孝序孝
序見忠義傳叙其歷官自初筮仕以至死職皆未言
當建中靖國元年爲朝散郎守尙書都官郎中又無
使職如今碑所載都大提舉採石護軍賜緋魚袋而
史並從畧今得之於此碑又可寶也

俱節金石錄

三十六峯賦

碑高七尺五寸廣三尺六寸共二十六行行六十六字行書在登封縣

三十六峯賦

并叙

四明樓異試可

武林僧曇潛參寥書

監寺僧宗證題額

余少聞洛邑之盛在唐宋爲東西都而山川形勝之富視它州爲傑觀昔韓退之白樂天見於歌詩形容勝槩有詠歎不足之意後歐陽文忠與梅謝諸賢相繼爲僚友數遊嵩少間至今以爲美談余幸以不敏得令嵩高

縱觀諸境未有過少室者而巉巖聳拔乃在戶牖間朝
夕博望歷二可數因作三十六峰賦以自廣非敢竊比
古詩之流云

伊浮雲之公子兮訪道於林丘而棲神於巖谷超然有
游方之志兮乃東升于岱頂而西謁于華麓維衡陽之
南兮與夫恒山之北靡不窮探歷踐兮游心而騁目獨
怡然而忘歸兮內欣然而自足忽御風而行兮排空濛
而造中域徐睥睨以四顧兮意惚恍而有失適嵩高之
丈人而問津兮曰游四方而真有得何高之不登兮何
危之不陟今乃西望兮岌然而聳特雄柱天綱兮橫亘

於地軸連絡僣覆兮龍盤而虎伏雖華以九而至以十
二兮曾未覩奇峰之六丈人放杖而笑兮秋水方至
而河伯自溢子烏覩海若之難匹兮獨不聞中天之少
室其高則曉岵嶢嶢崟岑巖嶒兮十有六里而疊有十
八其深則環紆縈繞盤糾糾錯兮上方十里而周圍一
百包嵩陽以作鎮兮截輶轅以爲郭眷歌山之所聞兮
觀舞水之所樂其上則有嘉禾甘菓兮神芝與仙藥石
柱若承露之盤兮帝休若楊枝之葉石脂所滴兮飲之
可以長上古玉膏在巔兮服之可以揖羽客雲母之井
兮寶所聚光明之穴兮晝所鑠一丈之鍾乳兮可殫千

歲之資糧方不絕其中可避兵水之災方自有經書之

博其神異則玉女爛織錦之文方金人迷白露之落雲

洞警時聞之鍾方石井泣哀鳴之鶴王子晉環之以爲

壘方阿育王寶之以爲塔

潘岳記曰少室山有十八壘周闢一百里西征記曰少室

山上力十里元和郡國志曰少室山其高十六里山

海經曰少室之山有木焉名曰帝休葉如楊其枝五節

郭璞曰少室山巖有白玉膏服之得仙郡國志曰少室

有金像人往視則有白霧起迷人道書曰少室之陽可

避兵水之災嵩山記曰少室山有雲母井出雲母神仙

傳曰少室山有自然五穀甘菓神芝仙藥周太子晉學

道上似有千年黃根留於山中有石室中有自然經

書自然飯食與世無異石室前有石柱似承露盤有石

脂滴下食之一台與天地畢郡國志又曰有王子晉壘

猶有九十年資糧在山中河南志曰歌山舞水在諸峰

口阿育王塔在山北玉女織錦臺并堂在東北室內石

色爛斑煥如紋錦鍾乳穴在山東南穴中有鍾乳徑頭

大一丈九明穴在山東南角深三里餘直上五百尺
夜長明雲鍾洞樵人往聞鍾聲口穴井昔有二人得
道一人誤傷而死一人化為鶴求其死者哀鳴泣血滴石成穴此皆公子之所未知

而丈人之所安宅丈人曰名生於實方義設於適子知
其一方未知其二子識其外方未識其內是徒知六

之所有方而烏覩六二之名義東朝嶽祠儼百神方西

望洛邑鬱千官方

下瞰洛陽其形如拱揖嶽祠

太陽少陽山之明方

在山之南明月峰之左日月之象石城石笋天所形方

故名太陽居衆峰之南故云少陽壁狀似笋秀拔萬尋檀香丹砂寶所鍾方

山多出檀峰皆紅色光明

亦云出朱砂

鉢盂香爐狀所肖方

形如鉢盂覆其上狀若香爐然

連天紫霄

勢之穹方

以最高出羣峰上插於天漢以差低於連天亦接雲霄

羅漢七佛像設留

芳上有羅漢洞隱現莫測靈隱來仙洞府深皆是聖所

老云此峰有神清涼寶勝梵剎標昔有清涼寺居其

勝瑞應瓊壁祥光紛峰多祥瑞夜有神人通體紅色

紫蓋翠華煙靄凝其色紫秀宛若幢蓋以藥堂紫微花

草靈多生奇藥若王屋藥白道天德名字偉昔有

白道缺隱此上有天卓劍白雲形實紀狀若卓劍峰

然帝字一云帝字峰色若黃金其狀若牛凝碧迎霞

雲金牛明月色像起峰中時現圓像如月

天光聚之上多翠碧石在眾峰玉華寶柱金石瑩皆

玉石華茂於諸峰而形如繫馬白鹿神仙眾下有子

洞皆五色或云有金玉故繫馬於上此則六之名義

峰上多白鹿或云仙鹿其色皆白

而未覩六之景氣丈人曰方春陽之益兮燒痕蕪
沒而青兮紵紅紫之繡錯兮引百轉之幽禽雄樓傑觀
兮切星辰而上侵玉仙神女兮乘輜輶而下征朱明草
木之扶疎兮蔽大明之午外山樹雲氣之冉兮若覆
甌而鬱蒸忽雨聲於天外兮勢翻盆而倒傾唯紫芝與
黃鶴兮舞長空而產英金鷄之驚葉兮山空落石若仙
人之鍛聲夜月白而風冷兮玉笙清激而弭聽暨元
陰林柯之脫盡兮山形瘦而骨稜兮冰雪橫積於千仞
兮玉龍飛而白虎亭兮惟四時之出沒變態兮顯晦陰
晴不可得而盡名豈特仰觀俯聽自辰及酉應接之不

暇兮以盡朝昏此雖丈人之所不能形容兮而豈公于
之所可預聞丈人曰突兀撐空兮千變萬狀山經地志
兮不可究量或背若相戾兮或面若相向或竦若相闕
兮或揖若相眄或散若相忘兮或聚若相訪或後者若
和兮而前者若唱或卑者若下兮而尊者若上或喜兮
若相携或怒兮若相抗或若秦晉兮相匹或若楚越兮
相望或聳瘦兮若峨紆或臃腫兮若扶纒或蹲伏兮若
駝虎或崇聚兮若甕盎或威嚴兮若壯王或勇猛兮若
梟將或決驟兮若風馬或浮空兮若舩舫或若遊郊原
兮纍丘墳而包柩柳或若入宗廟兮紉豆登而爵柅也

戢 兮森劒戟落 兮列屏障勢領略兮斷而還連狀
容與兮宛而復壯超然若三十六天兮神仙之洞宅姤
然若三十六宮兮如嬪之游燕昂霄聳壑冠珮悠兮泉
飛霞傾簪屏流兮天闊星煒玉杵成兮松篁瑟二鈞天
迎兮嬌雲曲月鬢眉新兮煙斜霧蒸龍麝焚兮霞舒霓
卷舞袖張兮雷霆轟 宮車還兮言未旣而公子頽然
如醉兮洒然如醒非丈人無以藥之使瘳兮刮之使明
僕未能窮茲山之勝踐兮究茲山之曜靈請執杖屨兮
以從後塵

建中靖國元年九月廿三日

住持少林禪寺傳法沙門清江上石

洛陽張士寧刊

四明樓昇令嵩高賦少室賦不足道而書者爲武林
僧參寥極得坡公臥筆法道勁古雅卽令坡公見之

亦當首肯

石墨
鏤華

碑立金壺峯下宋登封令樓昇刻金壺詩於上志載
昇置仰嵩堂於治署圖金嵩於屏著太室二十四峯
詩少室三十六峯賦並序僧曇潛書昇詩殊不足觀
賦序次詳贍可脩焉攷書亦不惡

說
嵩

樓墨莊知鄉郡塞廣德湖以爲由子每過其祠未嘗

不心薄之然墨莊有祖爲慶歷之人師有孫爲嘉定
之大老故豐惠之祠畫錦之堂梓里不加廢斥也墨
莊知登封最與參寥厚故三十六峯賦乃參寥所書
予喪界之以充四明文獻而少墨莊嵩山之詩以附
其後吾聞墨莊嘗攜嵩山之石以歸高孝而後南北
隔絕攻媿乃築閣曰登封而貯石于其上其自爲記
也三致意于京洛之遺五百年以來喬木消沉閣與
石俱滅沒而碑刻尙無恙斯杜元凱所以惓惓于身

後與

魁堦
亭集

右三十六峯賦知登封縣四明樓昇試可所作僧曇

潛書曇潛一名道潛與東坡倡和所謂參寥子者也
朱昂續骹骹說參寥住西湖智果院能文章尤喜爲
詩坡南遷素不快者據詩語謂有議刺得罪反初服
建中靖國元年曾子開爲翰林學士言其非辜詔復
祝髮紫方袍師號如故碑書于建中靖國元年九月
正參寥初復師號時也

潛研堂金石文跋尾

金石萃編卷一百四十三

賜進士出身 誥授光祿大夫刑部右侍郎加七級王昶謨

宋 二十一

梅澤詩并題記

石橫廣二尺七寸七分高二尺二寸七分
分共十九行行十四字行書在鄧縣

宣德郎權知縣事崔珙書

過草堂望終南山

兩峰高插碧天寒雖得春風雪未乾
謝屐自忘登覽倦
草堂終日凭欄干

經樊川懷杜牧之

杜曲樹連蒼翠外終南雲暗有無中清詩妙句空貽後
不見樊川一老翁

行役述懷

世路侵尋老客顏黃埃遮眼鬚毛斑青山未許教人去
白日何曾放我閑

又

明月一尊酒清風萬卷書南山山下地終欲卜林居
有宅一區有田一頃有酒一尊有書萬卷嗚呼余乎
胡爲乎爭名於時隔此真趣而心與形役自勞其生
乎

崇寧改元三月十四日吳郡梅澤說之題

住持僧紹利立石

余既得珙書李駒詩表而翫之以爲希有其後又得所書吳郡梅說之過草堂望終南詩等四首又題尾一段津津然有味于山水之間思往而不可得者梅之寄意不淺矣使非珙爲之書刻後世之人何從而吊其遺蹤焉始知山川之奇與人胷中之秀腕筆底之神率相待而成一時之盛乃山川有更移時世有隆窳而人之心胷脈脈流行不絕又相爲灌注始終不尔猶歸于變滅悲夫誰爲後來者當與此心期已

墨林
快事

劉晦叔等題名

石高三尺一寸五分廣二尺二寸五行
行六字惟第二行七字行書在盱眙

崇寧元年季春十七日汝海劉晦叔東平畢公叔三封
宋仙民莆陽蔡元長同來

按題名首行季字旁有張謙克讓題五小字蔡元
長卽京也傳載崇寧元年由知定州徙大名府韓
忠彥與會布交惡謀引京自助復用爲學士承旨
其時自定州至大名還都盱眙非道路所經不知
何以來此

修唐太宗廟記

碑連額高八尺六寸廣三尺五寸八分二十行行三十五字正書篆額在武功縣

通直郎知長安縣事朱光旦書并題額

粵有大寶聖人守焉上惟軒義傳記凶恚道德乎堯舜
仁義於禹湯文王有周大勲集武而幽厲廢之侯國蜂
聚七雄蟻爭以啗祖龍而二世亡之漢乘秦虐口手以
取權操與備因漢弱而攘裂晉則虛誕不技而宋齊梁
陳潰墊於胡羯正統墜絕有唐階暴隋以興僖昭變衰
五代竊據天開地泰乃歸于
有宋之
真

人焉顧若相因迭爲興廢者得明主賢臣可取法有暴

君汗吏足爲戒皆所以資我

聖時爲永永無窮

太平之治具也然歷觀前史惟其有甚芟亂之患然後
生夫英傑之君故必能措海宇於昇平拯黎庶於塗炭
則漢之高祖唐之太宗其倫乎按唐紀太宗文皇帝以
隋開皇十八年十二月戊午生於武功之別館有二龍
戲門外三日而去是京兆府武功縣之南有唐慶善宮
今爲慈德寺乃其所也北日報本寺神堯之舊宅焉先
是縣圖雖載厥事而祀秩無文龍閣游公慨然興歎率
里人卽報本寺北隅經始廟貌法大壯以建殿宇想天
日而形塑繪左右壁間悉圖正觀朝臣英姿凜然彷彿

見當時之盛於是肅嚴致敬有所實元祐三年戊辰歲
也後十四載洛陽趙茂曾被命長邑一日至祠下而龍
閣公弟師韓語之故且求以記遂諾之曰僕元祐末典
獄平涼見君之伯氏爲使者愛民以道率吏以誠觀其
激風流敦教化使法令美意下決於田父野老之肌膚
雖古昔名父□□□□□□□□□□執律馭師則折
衝尊俎笑談帷幄豫計勝負驗若符契跋

朝廷

威靈遠震于辨毛重譯之巢穴雖前世班超李牧之輩
無以尙矣我思其致今也則亡常企慕之恨不得述其
梗槩茲幸君之及此也昔梁州人侯栢年以廉泉之石

護其閭里而史筆書之不遺矧公肇是祠宇俾後世識者以人物稱其風氣則追遠厚俗之意豈淺也哉故論前世治亂之迹見文皇帝之英傑因記其祠之者名字云游公名師雄字景叔大宋崇寧元年中元日謹記

按唐太宗廟在乾州武功縣城北武功縣志云今前殿爲鴻禧觀祀老氏明嘉靖末所建也碑引唐紀云太宗文皇帝以隋開皇十八年十二月戊午生于武功之別館今唐書太宗紀無此語不知其何本也今紀云貞觀二十三年五月己巳崩年五十三由貞觀二十三年逆推五十三年是爲隋開

皇十七年此云十八所未詳也碑云武功縣南有
慶善宮今爲慈德寺北日報本寺神堯之舊宅焉
据縣志金大定十六年勅賜崇教禪院卽此寺也
報本寺在縣西北一里本唐高祖舊宅大中元年
建爲寺依山立刹中有浮圖高二十尋偉然一邑
之望太宗廟建於元祐三年游師雄因鬼章青宜
結構夏人爲亂謀分據熙河詔師雄往使擒鬼章
報捷遷陝西轉運判官提點秦鳳路刑獄建廟卽
在是時師雄有弟師韓傳所不載賴此碑及之

淨相院詩刻

石橫廣二尺一十五分高一尺七寸二分共十行行八字正書在興平縣

留題淨相院橙軒

宣義郎知縣事彭迪明

萬葉扶疎雙幹脩植臨禪坐色長幽影分渭北千家月
香散山南一檻秋清液冰寒承露結圓苞金重帶霜收
會應登列西州貢庭實寧無橘柚羞

崇寧壬午秋九月書

楞嚴經偈

偈二凡四石第一石橫廣六尺八寸五分第二石六尺一寸第三石六尺五寸七分第四石六尺四寸七分高各一尺四寸五分前偈共一百三十五行行八九字又續偈二十行行六七八九字不等

行書在長清
縣靈巖寺

楞嚴經偈

語不錄

元符二年十二月十三日莆陽蔡卞書凝寒筆凍殊
不能工也

續偈

語不錄

建中靖國元年冬十一月五日池陽慧日院南軒續
此偈

崇寧元年十一月鄱陽齊迅施刻于靈巖寺

住持傳法淨照大師賜紫仁口立石 匠人牛誠刊

按首楞嚴經以阿難誤入魔登伽女之室命文殊

以呪攝鬼既以徵心辨性復令二十五無學各言
入道之因乃屬文殊檢擇因說此偈取觀世音從
聞思修入三摩地爲第一蔡卞書已見前卷此所
書瀏漓頓挫行法不減元章且通體完善臨池家
可以摹仿也

玉盆題名十二段

橫廣四尺四寸四分高三尺七寸六分
七行行五六字左行正書在褒城縣

崇寧口元口二十有口口臺張元翊成口表武震岐下
口師敏同遊窮谿壑之勝刻玉盆之陽

又高二尺五寸廣一尺九寸五分七
行行十字十一字不等左行正書

河南李口彥粹游石門登玉盆預行者定武口口子寔
開封王師顏希賢徐師民叔瞻秦亭李師古口從馬翊
傅汝礪彥正洛陽口中直子正建炎己酉歲清明前一
日行記男松年侍

又高三尺一寸廣二尺九寸三
行行六字七字不等隸書

晏德廣段口口缺師命禱雨升潭口缺而去口熙甲辰缺

又橫廣三尺一寸三分高三尺三寸
五分六行行七字八字不等隸書

石邵段雄飛晏柔荈皆已禱雨熾舟玉盆側誌歲月而
去乙巳清明前一日以董堰復徠同登汎掃縱觀方羊久之

又高四尺八寸廣二尺四寸三
行行七字八字不等隸書

閻丘資深田德夫章德楸慶元二年二月壬申因眎堰祿

又三行行入字正書

曹濟之龐公巽曹璋李稟紹定己丑清明日識

又高二尺廣僅存一尺五寸五分三行行四字正書

郭嗣卿陳季時程清叔慶元戊缺

又高一尺九寸五分廣一尺五寸四分四行行四字五字不等正書

開禧二年人日牟節甫劉沐靜來

又高一尺八寸八分廣一尺五寸三分四行行七字八字不等正書

鼎然安丙子文抱孫明孫與李口貴同來嘉定己巳閏

月清明日

又

高一尺九寸五分廣一尺五寸五分
分七行行六字七字不等正書

邑令何武仲拉資中黃元英廣漢沈德明普慈周伯光
黃養源來全三子祿孫和孫侍行嘉定辛未中秋後十日

又

高四尺六寸四分廣三尺
七寸五行行四字正書

石盆應有意要洗貪者廉前郡口李一鰲

又

三行行三字
隸書

李口熊來嘉定端午

按玉盆在褒水中詳見前卷石門題名此題名中
有因禱雨而至者有因眎堰而至者亦詳見前跋
此題率多缺泐其來遊姓名全見者得三十四人

惟安丙一人史有傳餘俱無攷丙字子文廣安人
淳熙間進士開禧二年邊事方興程松爲四川宣
撫使吳曦副之丙陳十可憂于松言曦必誤國旣
而曦奏丙爲隨軍轉運司居河池十一月金人攻
湫池堡破天水繇西河入成州十二月金人持詔
至曦受詔稱蜀王三年正月曦僭號建官稱臣於
金以丙爲中大夫丞相長史權行郎省事丙陽與
而陰圖之遂謀誅曦三月函曦首附驛朝廷上下
動色交慶加丙端明殿學士中大夫知興州安撫
使兼四川宣撫副使卒謚忠定著晶然集此題嘉

定己巳爲三年正吳曦伏誅丙知興州之時也
然其別號因以名集石邵等董堰徠登題云
州埽縱觀方羊久之方羊二字見於左傳他書多作
仿佯史記吳王濞傳又作彷彿淮南子原道訓又
作方洋皆卽逍遙徙倚之意字異義同

武功縣學碑

碑高八尺一寸廣四尺三寸五分二十
一行行四十二字正書篆額在武功縣

宋京兆府武功縣新作縣學碑銘

知縣事兼管勾兵馬司公事趙茂曾撰并書丹篆額
士志於道者常患乎不得遂其學得遂其學者常患乎

不得信其志遂其學矣時能信之則君子以爲榮遇焉
此武功縣學之興而銘序之所以作也建中靖國元年
夏四月知京兆府孫公覽奏以壽春縣令趙茂曾知武
功事秋八月公去崇寧元年春三月茂曾始來是秋貢
士府十四縣懸格所取武功居多時歎惜其遺者猶衆
旣冬邑人相謂曰戢盜賊撫良善政令之所在也孝悌
睦婣以考其行絃誦講習以和其心性命道德以進其
學實士人之所望焉乃謀葺

孔子廟聚生徒而

浚陋不可居十二月有

詔建州縣學講養

士之法同僚相語以州縣吏雖尊賤有次其申明孝悌

孰後先邪茂曾瞿然以興曰疇敢不祇若

王之休命明年春訪隙地稟於府願易廟西樓店基爲學舍 知府事虞公策從之徹木於淫祠經費於計臺轉運副使許公天啓可所請卽日給官錢五十四萬資其用於是築新基南鄉爲麗澤堂左右前廡玦布八齋名之以道德皆新作也其東則 宣聖殿小學

職掌之位庖廚祭器隸者所直舊舍足焉補缺益卑與新允稱總五十楹基長二十有五尋廣十有三尋餘六尺經始於二月乙丑落成於三月癸巳烏乎學校爲事必興於聖人極盛之時三代可監也蓋備所養以期所

用今

吾君待天下之士厚矣天下之士宜

思所以副之茂曾何人獲宣

盛化且得效

犬馬之力於其間爲遇爲榮罔可言旣謹拜稽首叙事
勒銘著之金石以告學者銘曰

夏后庠序商邦瞽宗周王頴官申之孝悌漸磨仁義名
殊迹同

明明我主超三邁五人材是隆民

有彝則好是懿德合由以容家黨衛國塾庠序學慨然
聿崇通升次舉匪私是與允期於公咨爾有衆學以致
用勿尸厥中人孝出悌居仁由義敏則有功以副

盛時允能庶幾三代之風

崇寧二年四月初吉立石左班殿直監酒稅王傑權
主簿蔣次元縣尉盧祥

遊終南山雜詠

石高三尺廣二尺三寸分兩截皆
十九行行十四字行書在褒城縣

李駒詩

宣德郎知縣事崔珙書

入門脩竹聳琅玕坐久香風拂畫欄春色正穠雙檜靜

朝光初上一峯寒

草堂圭峯
最爲巉絕

翠縈虛室塵襟闊冷逼疎

窓夜夢殘物外閑心殊未愜躬勤重上白雲端

自此遂
遊紫閣

右草堂

石磴溪橋傍翠巒分明深入畫圖間遠饒禪刹疑無景

南山諸寺惟紫閣爲冠

迥出群峯別有山

仙掌數尖特在群峯之外

微雨欲來

雲影亂輕風不斷鳥聲閑嵐光可是清人骨更待中宵

一夢還

右宿紫閣

小雨初回作暮寒斷崖壁立夕陽間一襟清興無人語

旋拂禪床卧看山

右雨後紫閣晚望

蔽日芳林迷去路被蹊落葉誤行蹤轉崑却見層巒出

知是仙山第幾重

寺前大頂山極爲峭拔

右雲際院

西風壁立蒼崖瘦一水湍流怒浪翻雲外不須求紫府
祇應此景是桃源

右長嘯洞

漸侵晚景尤便靜不出忙中豈愛閑休問驂驢與鼃鼃
會須投紱老青山

右宿重雲山寺

萬點梢頭爛曉霞謾隨閑世闕春華孤根自是生窮僻
未必輕輪別圃花

右重雲道中海棠

蔽空穠綠門前路匝地踈苗戶外村塹宿雲房卽虛寂
紅塵意味不堪論

右宿白雲明日之鄆縣

望極空蒙清滿懷更尋遺跡步高臺日斜林杪增光去
風靜山尖倒影來萬頃澄瀾春漲碧一川秀色暝陰開
坐中自有江湖興未放陂南盡舸回

右漢陂

通判朝散諸寺留題寺僧請立石

崇寧二年六月一日

李駒通判秦中畱題中南而鄆令崔珙書刻石駒詩

琪書皆不離宋人本色畱之以見時代之下人自不能使超也崔琪是又一人非唐廢相起判鳳翔者石鏞

右爲終南山雜咏曰草堂曰紫閣曰雲際院曰長嘯洞曰重雲山曰白雲曰溪陂乃李騶之詩崔琪書之于崇寧間者爲七律二七言絕句八共十首詩亦清拔獨怪琪以風塵下吏一旦執筆遂足爲詩人之重令榮華至今不至與山風谷鳥俱沒字之不可已如此今人重誚宋人以爲詩字無分矣乃其間寂之濱炳朗有此人亦不可全蓋已余得此驚躍亟與進之

以續一代之絕學其赫赫山斗者未可與並也墨林快事

褒城縣學記

碑連額高八尺七寸五分廣四尺九寸五分
二十三行行三十六字正書篆額在褒城縣

褒城縣新修縣學記

缺蘇時記

谷口謝真書

缺主簿閻師敏篆額

天子卽位之四年寔崇寧改元之明年也口詔

天下州縣皆得立學蓋將口追先朝欲爲之志

恢復三代甚盛之舉缺美口口載新口州以是責守相

縣以是□□□□□□司咸董其治百爵賞以待有

功信刑缺□□□□□□幕□外賓海嶠內卽郊畿郡

邑相屬小大畢舉於是□□以衆師儒給田以食□□

□□□□□□以□□材磨治滌濯以就其器嗚呼

□□□□□□□□其盛耶爲之郡縣者□如

何耶爲之學生者忍負之耶褒城古漢中之□□□□

□□□□□慶曆中□□□丞爲□始□孔子於邑之

東隅度地不善濱江卽水庫□□□□□□□□

□曾莫暇顧迨今□□有年而令尹魏郡張侯克獲奉

□□□□□□□□□□甚□□錢不□萬而

民財不共募工不踰月而民力不與齋祠講□□□
□□□□□□□□□□□□欲解去於是邑之父老
與其子弟相與咨嗟太息謂□□□□□□□□
□□□□賓賢興能□□於其終咸欲書石以紀其事
然予謂褒中□□□□□□□□□□□□□□□□
□□□□□□□□□□迹百氏之筌蹄求不放之良心□
□□□□□□□□□□□□□□□□□□□□已
□學□□施於有政謹論嘉言獻於□□□□□□
□□□□□□□□□□□□□□□□□□□□受成於學
然後翰墨談笑之間□□□□□□□□□□□□□□

□□□□

□□□□□□□□□□也哉

六月癸未

缺

右班殿直監酒稅務元浩

缺縣事張元翊立石

按陝西通志褒城縣學慶歷間倚於江岸實充宰
褒建有自記崇寧中張克獲移治西三十步蘇時
有記卽此碑也碑文殘缺惟慶歷中及度地不善
濱江水庫令尹魏郡張克獲等語尙可詳譯碑建
於崇寧二年六月癸未云詔天下州縣皆得立學
者是時方推廣元豐三舍之法行于縣邑因令縣

金華縣志卷之四十三
邑皆置學褒城舊有學至是因移建也慶歷寶充

碑已見前

乾陵無字碑題字十二段

碑高一丈七尺廣七尺九寸計題名凡十二其一五行行八字左行正書在乾州

開封王穀正叔按行邊部南還京兆道經奉天同邑尉
李定應之恭拜乾陵時男僅從行崇寧癸未季冬初入
日題

又 正書五行行九字左行

范致明晦叔謫官口水政和元年天祺節後一日同邑
尉郭韶又善來謁乾陵寅亮寅畏從行

又正書四行行
十一字左行

宛丘宋孝先天經作丞萬年權邑奉天挈家恭謁 乾

陵徘徊歷覽終日政和甲午仲秋晦日男才申甫侍行

又與金部統經畧郎君行記同在
一面行書六行行十一字左行

政和甲午冬行勸農之事因登乾陵晚步臨川亭抵暮

迺還仝會者五人北幽李濟澤民王頤正夫彭城韓渙

亭牀河南郭彥正子常淮陽宋孝先天經十月十有七

日題

又正書三行
行七字

建安暨唐裔公本攝郡事挈家來遊政和戊戌孟夏望

日

又

正書七行
行十二字

宣和改元勸農出郊休轡梁山晚飭入郭率蒲中來扶
安道圃田周無忌漢直郡陽甯洙仲濟邯鄲李思誨孝
初岐下范汝聽用言河南郭彥正子常同焉仲春中澣
日守郡吏大梁李士觀元字題

又

正書五行
入字左行

宋仲口口口口口守易使三秦宣和五年正月十四日
與口口器張子剛子口同訪古至此口口爲書

又

正書五行
十字左行

劉錫禹圭口環前之河朔以宣和癸卯三月四日與口
錫和口錡口口三大宗正舍口口口口口口口口口口
口口恭謁陵口

又正書九行行
七字左行

千山頭角口万木爪牙深有客能占氣無人解換金難
名帝堯德易小漢文心慷慨松風外停車聊一吟

宋京按部再至宣和五年三月望弟卞從行

又與金都統經畧郎君行記同在一面
行書七行行十三十四字不等左行

少府監丞師具瞻民望監察御史完顏忽升虎用之刺
史胥謙益之省差段繼祥慶之奉天令李天章文卿縣

丞溫迪罕握奇主簿字疙疸縣尉孫完全甫司候吳昕
明之興定五年四月中旬日敬謁 陵下外郎張秀華
德秀題

又與金都統經畧郎君行記同在
一面行書三行行十字左行

省掾胥恒同弟泰因省視 兄刺史敬謁 陵下興定

辛巳重陽日題

又正書四行
行十四字

正大改元夏廿九日州司候許柔前醴泉簿宋寔尉蔡
仲融進士鄭和邠人王玠仝拜

陵下

又正書七行
行九字

丁亥清明日權縣事范益率致政馬麟之監征高士若
郝師雄丞員延年簿孟及申恭謁陵下是日麗景咏
霽春氣融達遊人共樂排燭夜歸

按乾陵唐高宗陵也在乾州奉天縣北十里

今縣已省

州東至僖宗靖陵十里肅宗建陵四十五里太宗
昭陵六十里宋元祐中計使游公圖而刻之防禦
推官趙楷爲之記又有于閩國所進無字碑高三
十餘尺螭首龜趺巋然表裏無一字今題名有十
三段崇寧政和宣和年者九段金正大元年者一

段興定五年者二段丁亥清明日一段興定二年
爲宋嘉定十四年正大改元爲宋嘉定十七年但
云夏廿九日不知何月也丁亥爲金正大四年宋
之寶慶三年也蓋自宣和五年以後隔九十八年
而後有金人題名陵之曠無人跡亦云久矣題名
中姓名間有缺泐其存者台之宋金得四十二人
見於宋史者一人曰劉錫附見劉仲武傳仲武字
子文秦州成紀人官西寧都護童貫招誘羗王子
臧征薄哥收積石軍邀仲武計事仲武曰王師人
羗必降但河橋功力大非倉卒可成貫許以便宜

僕哥果約降而索一子爲質仲武卽遣子錫往河
橋亦成仲武帥師渡河挈與歸貫掩其功仲武亦
不自言徽宗遣使持琰至邊賜獲王者訪得仲武
召對帝勞之問幾子曰九人悉命以官錫閤門祇
候此題劉錫字禹圭以宣和癸卯三月謁陵疑卽
其人癸卯是宣和五年又宋京一人見宋詩紀事
成都人崇寧進士而不言官位此題在宣和五年
云按部再至是已顯仕矣不知卽其人否又金史
一人胥謙附見忠義馬慶祥傳元光元年十一月
聞元將蒞古不花將攻鳳翔行省檄慶祥與治中

胥謙分道清野遇大兵邀其歸路慶祥不屈而死
胥謙及其子嗣亨亦不屈死謙贈輔國上將軍彰
化軍節度使此題稱刺史與史稱治中小異然興
定五年之明年卽改元元光當卽其人

靜應廟記

碑連額高五尺一寸三分廣四尺二寸
十八行行二十字行書額正書在耀州

耀州五臺山靜應廟記

朝奉郎知軍州事賜緋魚袋借紫王允中記

宣德郎充陝西路提舉學事司管勾文字東長孺書
崇寧二年春三月丁亥允中始涖郡事適境內經時不

雨雩禱祈禳邈無應者乃考圖經訪諸靈蹟郡城之東
五里有五臺山孫真人祠實舊隱也以美利在民廟食
久矣丙申躬率僚吏禱焉卽獲甘雨三尺合境告足自
是每禱則昭答如響爰請褒崇賜額靜應秋九月丙申
賁勅以告屬亢陽有請里民奔轅祠下踵未及旋
已復霈然剡章載上錫號妙應嘗召華原令張魴尉李
倚諭之曰祭有五義凡施法定國勤事與夫禦災捍患
皆得祀之矧真人生不屈于世以保其素死能福斯民
以食其土而祠宇卑陋僅庇風雨非所以上副朝
廷褒大旌顯之意下副邦人所報敬事之誠魴倚聞之

趨走赴功鳩材庀工三年春三月經始踰月告成於是棟宇之制始稱其嘉號真人諱思邈清風高節與夫靈異變化之迹具載傳記而盛德茂功又已著於訓詞茲不復紀九月二十日

朝奉郎通判軍州事賜緋魚袋于巽立石

刊者劉源

靜應廟勅告

碑連額高八尺三寸廣三尺七寸作兩截書上十九行行九字下十八行行十八字連額並正書在耀州盛德軍五臺山靜應廟額勅并加號妙應真人告詞

尙書省昧耀州靜應廟禮部狀近承都省付下陝府西

路轉運司奏據耀州申契勘孫思邈本華原人所禳靡
有不應乞賜一廟額本司保明是實尋下太常寺看詳
據本寺狀檢准令節文諸神祠應旌封者先賜額今依
條欲擬靜應廟爲額本部欲依太常寺擬到前項事理
施行伏候指揮牒奉

勅宜賜靜應廟爲額牒至准

勅故牒崇寧二年八月二十一日牒 右正議大夫守
右丞吳 左銀青光祿大夫守左僕射

勅耀州華原縣五臺孫真人山川勝境仙聖所居其盛
德茂功顯聞于世者朕必秩而祀之惟真人生於有唐

見謂隱逸應物之迹具載史官廟食華原時迺鄉縣祈
禳休貺美利在民肆加褒崇特建榮號尙其歆懌永福
此邦可特封妙應真人 中書令 闕 中書侍郎臣趙

挺之宣奉 中書舍人臣慕容彥逢行奉 勅如右

疎到奉行 侍中 闕 尙書左僕射兼門下侍郎京

門下侍郎將 給事中時中崇寧三年二月二十九日

戊時都事康繼隆受 左司員外郎方會付吏部 尙

書令 闕 尙書左僕射京尙書右僕射 闕 尙書左丞

闕 尙書右丞居厚 吏部尙書執中 吏部侍郎洵

仁 告妙應真人奉 勅如右符到奉行主事李孝

蔡郎中稔令史李遵書令史張應三月五日下午十月八日將仕郎美原縣尉兼主簿臣王忠書朝奉郎通判軍州事賜緋魚袋臣于巽同立石朝奉郎知軍州事飛騎尉借紫臣王允中立石 臣劉源刊

中有中書侍郎趙挺之又有尙書左僕射兼門下侍郎京蔡京也門下侍郎將許將也尙書右丞居厚吳居厚也吏部尙書執中何執中也吏部侍郎洵仁鄧

洵仁也

關中金石記

逍遙栖禪寺詩刻

石高一尺八寸廣一尺二寸
八行行十四字正書在鄆縣

題逍遙拈禪寺

朝奉郎通判軍府事唐遶

圭峯大士翻經處雅俗今猶說草堂十頃筠篁環殿閣
百年松檜老風霜臨溪洗鉢憐僧野卷旆搜山意盜藏
時因捕盜至此試取禪詮滌吾慮蕭然心地頓清涼

崇寧甲申冬至前二日

蕪湖縣學記

碑高八尺二寸六分廣五尺一寸四分二
十一行每行字數不等行書在蕪湖縣

太平州蕪湖縣新學記

禮部尚書黃裳撰

無爲守米芾書

崇寧元年仲秋

天子思欲推廣

神宗皇

帝三舍造士之法

詔講議司條具以聞奉司奏

言先王之時比閭族黨之間莫不有學所以明人倫厚風口及其成也無思犯禮莫不好德伏請縣邑皆得以置學越十月承議郎知蕪湖縣林修奉

詔從事

前此所建適如

詔旨第率閭里子弟來就教育

推布教條考察如法將拜口郡學而使口口有以貢焉乃其職也鄉教之設黨有庠庠者養也以主乎造士遂有序序者射也以主乎口士兼口口而有之學也

此學之名所以施於國歟黨領五族之衆先口之政已
能口有相保之智相口口口相葬之礼相救之義教而
化之犹以爲未也中有庠焉則口其德而成就之也遂
領五縣之衆有州民之仁足以相賙有鄉民之恩文足
以相往來五常之善於是乎備矣中有序焉則觀其德
而選取之也自黨遂之教廢庠序不設約束之規旣以
疎漏修學之士多口口闕不及前古遠甚然而今之州
古之國也縣邑皆得以置學其猶黨遂之有庠序歟昔
時大夫富其民有口口其民有政養育有道考察有法
井移有序故其造士道德同宗本末相應未口口口焉

方今

朝廷推行三舍考察之制凡目甚悉必得

爲宰者運量乎其中而使士之有口於口者有所資有
累於事者有所代積漸涵養視成論升出於優游而不
迫□□□□□□□□
朝廷樂育人才崇建學

緊於事者有所代積漸涵養視成論升出於優游而不
迫□□□□□□□□□□朝廷樂育人才崇建學

迫

朝廷樂育人才崇建學

校之意庶幾成人有德小子有造其□□存乎□□而已此正

天子有望於郡邑者也令君其勉哉

已此正

天子有望於郡邑者也令君其勉哉

翰林張士亨募刊

米老學記乃字字有體勢亦鮮敗筆米書中之可貴者其原碑海內之存否不可知大抵爲僞墨跡者必自舊搨本中摹出則雖屢經翻刻固尙有典刑也

者其原碑海內之存否不可知大抵爲僞墨跡者必

自舊搨本中摹出則雖屢經翻刻固尙有典刑也

林墨

快事

右蕪湖縣學記米元章書自署無爲守而不列官與
它碑式異宋史元章傳稱年四十九卒而蔡肇撰墓
誌云年五十七卒於淮陽郡齋其文互異予按元章
跋晉謝安真蹟帖云余生年辛卯又有辛卯米芾四
字小印則以仁宗皇祐三年生至哲宗元符三年己
卯已四十九年矣如史所云即不及徽宗朝而元章
却在徽廟時始以上書顯其知無爲軍當在崇寧三
年明年始擢禮部員外郎再出知淮陽而歿於官則
墓誌云五十七者爲不誤蓋其卒以大觀元年歲在

丁亥爰書此以糾史之謬

清研堂金石文跋尾

按碑云崇寧元年仲秋天子思欲推廣神宗皇帝
三舍造士之法詔講議司條具以聞本司奏請縣
邑皆得以置學越十月承議郎知蕪湖縣事林修
奉詔從事云云宋史選舉志元豐二年頒學令太
學置八十齋史作八千誤齋各五楹容三十人外舍生
二千人內舍生三百人上舍生百人月一私試歲
一公試補內舍生間歲一公試補上舍生彌封謄
錄如貢舉法而上舍試則學官不預考校公試外
舍生人第一第二等升內舍入優平一等升上舍

皆參攷所書行藝迺升上舍分三等此神宗三舍造士之法本行於太學者也崇寧元年宰臣請天下州縣並置學州置教授二員縣亦置小學縣學生選考升諸州學州學生每三年貢太學至則附試別立號考分三等入上等補上舍入中等補下等上舍入下等補內舍餘俱外舍此崇寧元年推廣三舍造士之法及縣邑置學之緣起也此碑撰者黃裳傳有字文叔者隆慶府普城人係乾道五年進士非此黃裳碑不署建立年月潛研跋謂米芾知無爲當在崇寧三年則立碑亦在其時矣

金石萃編卷一百四十三終